

mine Britannos vocabant. Primus quod sciam, Romanorum Brittones nominavit Martialis in illo versu:

*Quam veteres brachæ Brittonis pauperis.*

Brittones fere vulgus appellat peninsulæ Gallicæ habitatores: quanquam & ipsam, Britanniam, & incolas, Britannos Gregorius Turo-nensis semper vocet. Romani suos provincia-les constanter Britannos dicunt, quanquam ipsi provinciales sese Britones appellari gau-deant. Vtriusque vero nominis una radix & origo est, Britannia. Et sicut utrumque nomen ab uno fonte promanat, ita res eadem prorsus utroque indicatur. Id autem maxime perspicue ostendit Ausonii poetæ carmen:

*Silvius ille bonus, qui carmina nostra lacescit:*

*Nostra magis meruit disticha Britto bonus.*

*Silvius hic bonus est. Quis Silvius? Iste Britannus,*

*Aut Britto hic non est Silvius, aut malus est.*

*Silvius esse bonus Britto, ferturque Britannus.*

*Quis credat civem degenerasse bonum?*

*Nemo bonus Britto est: si simplex Silvius esse*

*Incipiat, simplex desinet esse bonus.*

*Silvius hic bonus est: sed Britto est Silvius idem,*

*Simplicior res est dicere Britto malus.*

*Silvi Britto bonus quamvis homo non bonus esse*

*Ferris, nec se quit jungere Britto & homo.*

Qui Britannos Gallorum colonos esse con-tendunt, hi Herculem è Celto puella Gallica Britannum filium genuisse, produnt, à quo gentem Britannam propagatam. Hanc natio-nem Plinius vicinam Morinis, Atrebatibus, Gessoriacis collocat. Qui è Græcis hæc con-firmant non desunt Grammatici, Soudas, & qui Etymologicon magnum scripsit. In eadem sententia mihi fuisse videntur C. Iulius Cæsar, & C. Cornelius Tacitus, alique scriptores Latini non indocti, non ita celebres tamen. Item sacra, sermo, instituta, gentiumque qua-rundam ad mare Gallicum habitantium mo-res, id confirmant, è quibus mihi Britanni transmigrationibus exhausti, Morini paulatim consumpti videntur. Morinus quidem à More (id vetere Gallorum lingua mare significat) suam mihi originem testari videtur. Venta Belgarum, & ab Icio dictum Icenum etiam in alienum solum se cum cognominis loco pa-triam vocem extulisse fit verisimile: atque in ipso statim aditu occurrentes Britannos, velut progeniem agnoscentes, domum suam tan-quam in hospitium deducere velle. Morinus enim Gallis veteribus marinum, & Morema-rusa mare mortuum significat: quanquam hæc postrema duo nomina Gorropius, dum suos Advaticos nimis ambitiose vult excolere, pe-ne nobis surripuit. Nec Aremorici aut Armo-rici se nostri generis negare possunt. Habemus enim majores & propinquos penes nos obsi-des. Nam Ar vel Are vetus est præpositio lin-guæ Gallicæ, quod ad vel super indicat, quasi

dicat ad mare, vel super mare, hoc est mariti-mum. Moremarusa vero à More, hoc est mare, declinat ultima syllaba producta in morem participii Græci. Aremorica quidem, seu Ar-morica (qui statim auditum non agnoverit, is veterem linguam Gallicam prorsus ignorat) & ipsum quoque (maritimum) significat, vel Strabone interprete, qui Græce pro eo sem-per nobis reddit Apoceanitas. Cæsar de Ar-moricis hæc lib. 5. Magnas Gallorum copias earum civitatum, quæ Armoricæ appellantur, oppugnandi sui causa convenisse. & lib. 7. Vni-versis civitatibus, quæ Oceanum attingunt, quæque eorum consuetudine Armoricæ ap-pellantur. & lib. 8. Cæteræque civitates posi-tæ in ultimis Galliæ finibus, Oceanoque con-junctæ, quæ Armoricæ appellantur. Cæsar quoties harum civitatum meminit, semper adicere solet, QVÆ APPELLANTVR: sed ita adicere, ut non nomen proprium esse in-telligas, sed aut epitheton, aut loci cognomen. Sed nec apud quenquam alium idoneum scri-ptorem id civitatis nomen fuisse reperitur, cum tamen latissime in illa ora vox illa vagaretur, ab Hispania videlicet ad Rhenum: inter-que tot scriptores unum Plinium reperiam, qui genuinam nominis vim non videatur in-tellexisse. Omnem namque Aquitaniam ita putat aliquando fuisse appellatam. Sed hæc in præsentia: nam plura nobis de sermone Gallico disputandum erit.

Antiquissimum insulæ nomen creditur fuisse Albion, aut ut Aristoteles, vel potius Theo-phrastus, in libro qui De mundo inscribitur, re-censet, Albium. Sed hoc nomen magis è libris eruitur, quam in communi sermone usurpa-tur, nisi præsertim apud Scotos, qui se Albi-nich, suam regionem Albin adhuc vocant. Multi nomen inditum inde putant, quod ap-pellentibus è Gallia albæ rupes primæ occur-rant. Mihi vero absurdum in primis videtur, Britannici nominis originem è Latino sermo-ne repetere, tam raro tum inter feras gentes commercio. Sunt qui ab Albione Neptuni fi-lio id nomen inditum putent, quem aliquan-do Britannia fuisse regem comminiscuntur: audaci prorsus mendacio, & nullo penitus an-tiquitatis testimonio nixi. Super hoc tamen tam invalido cognati nominis fundamento, regnum extruere eos non pudit. Nullam enim aliam hujus commenti ex historiis occa-sionem datam video. Meminerunt enim Al-bionis & Bergionis è Græcis quidem Diodo-rus Siculus, & Strabo: è Latinis Cato, Hygi-nus, & Mela è quibus id fere colligi potest, Al-bionem & Bergiona Neptuni filios Ligures ex agro Albicorum itinera, quæ in Italiam fer-rent, latrociniiis infesta habuisse. Hi cum Her-culem ex Hispania Gerione victo redeuntem præda exuere tentassent, tam atroci prælio eum